

圖書集成醫部全錄

第三十二冊
滯下
大小便



博物彙編藝術典第二百七十九卷目錄

醫部彙考二百五十九

滯下門一

黃帝素問

至真要大論

論太陰陽明篇

著至教論

陰陽別論

通評虛實論

大奇論

脈要精微

靈樞經

經脈篇

扁鵲難經

滯下

張機金匱要略

滯下腹血

華佗中藏經

論臟腑虛實寒熱生死

孫思邈千金方

熱冷瘡微諸痢論

楊登父直指方

痢病證治

嚴用和濟生方

痢疾

劉完素六書

滯下

張從政儒門事親

論痢

李杲十書

腸澼下血論

朱震亨心法

痢病

治法

平治會粹

滯下辨論

局方發揮

滯下辨論

羅天益衛生寶鑑

論治法

虞搏醫學正傳

總論

戴思恭證治要訣

論治法

樓英醫學綱目

運氣為痢

博物彙編藝術典第二百八十卷目錄

醫部彙考二百六十

滯下門二

王綸明醫雜著

痢疾

李梴醫學入門

痢因

裏急腹痛後重

辨似

辨五色

審七情虛勞

休息

蠱症

治法

李中梓醫宗必讀

總論

證治

死證

脈候

王肯堂證治準繩

滯下

趙獻可醫貫

痢病

喻昌醫門法律

痢疾論

律三條

張介賓景岳全書

論證

論虛實

論寒熱

論積聚

論陰陽

論五色

論腹痛

論裏急後重

論大

陳士鐸石室秘錄

痢病治法

博物彙編藝術典第二百八十一卷目錄

醫部彙考二百六十一

滯下門三

方一桃花湯

桃花丸

金寶神丹

艾薑丸

甘露丸

白頭翁湯

黑牛散

四製黃連丸

獨聖丸

退陰散

百歲丸

香連丸

青六九

戊己丸

返魂丹

調氣飲

膠蠟丸

二頭翁湯

黑牛散

四製黃連丸

獨聖丸

退陰散

百歲丸

香連丸

萎龍骨丸

又方

又方

又方

又方

又方

又方

又方

又方

又方

又方

又方

子圓聖米湯

溫疳方

健胃方

又方

又方

又方

又方

又方

又方

又方

又方

又方

黃芩芍藥湯

大黃湯

疳積方

又方

又方

又方

又方

又方

又方

又方

又方

又方

阿膠梅連丸

白木黃神金丸

芍藥湯

又方

又方

又方

又方

又方

又方

又方

又方

又方

博物彙編藝術典第二百八十二卷目錄

醫部彙考二百六十二

滯下門四

方二導滯湯 神效九連丸 加味香連丸 四味香連丸 六神丸 氣痢九 加味清六丸 古薑聖丸 散

白木調中丸 香九連丸 養臟湯九 地榆連補湯 蒼木芍藥湯 六神丸 氣痢九 加味清六丸 木香遇仙立效散 經金丹 聖散

聖藥中丸 眞方聖散 子散 黃芪散 苦蕒散 散 止痢法 百歲散 湯 玉粉散 乳香散 木香散 還眞散 艾葉十寶湯 赤

外疳膏 五神散 黃芪散 苦蕒散 散 止痢法 百歲散 湯 玉粉散 乳香散 木香散 還眞散 艾葉十寶湯 赤

白痢方 安和散 黃芪散 苦蕒散 散 止痢法 百歲散 湯 玉粉散 乳香散 木香散 還眞散 艾葉十寶湯 赤

五奇湯 麥藁散 茯苓散 苦蕒散 散 止痢法 百歲散 湯 玉粉散 乳香散 木香散 還眞散 艾葉十寶湯 赤

白木清散 下痢方 六味回生散 紅散 九 右歸丸 豆蔻丸 倉雲母散 參芩白朮散 通神丸 保陰煎

大分清飲 清飲 拘扶煎 四雅散 五德丸 復陽丹 飲 一陰煎 參芩白朮散 通神丸 保陰煎

煎佐調煎 拘扶煎 四雅散 五德丸 復陽丹 飲 一陰煎 參芩白朮散 通神丸 保陰煎

醫部彙考二百六十三

博物彙編藝術典第二百八十三卷目錄

醫部彙考二百六十四

博物彙編藝術典第二百八十四卷目錄

醫部彙考二百六十四

大小便門一

黃帝素問 陰陽應象大論 玉機眞臟論 宣明五氣論 奇病論 厥論 靈蘭秘典論 五臟

論 刺熱篇 氣厥論 五常政大論 宣明五氣論 奇病論 厥論 靈蘭秘典論 五臟

靈樞經 邪氣臟腑病形篇 營衛生會篇 經脈篇 五癰津液別篇 五味篇 九鍼篇

張機金匱要略 大便難 小便數 小便不利

王叔和脈訣 大小便病脈

孫思邈千金方開塞

朱肱活人書大便 小便 遺尿

劉完素六書大小便祕澀

李杲十書結燥論 關則不得小便 酒毒小便赤澀宜五苓散

王履源洞集小便原委論 燥結 脾約九論 論通大便禁忌 小便不禁 小便不通

朱震亨心法燥結 脾約九論 論通大便禁忌 小便不禁 小便不通

虞搏醫學正傳祕結論 小便赤澀

戴思恭證治要訣大便祕 閉澀 頻數遺尿

王綸明醫雜著不禁頻數

樓英醫學綱目閉澀 不利 小便不通 小便不禁

李梴醫學入門大便燥結 小便不通 小便不禁 傷寒小便不利 傷寒小便數

李中梓醫宗必讀大便不通 小便閉澀 小便不禁 傷寒小便不利 傷寒小便數

薛己醫案小便證治

博物彙編藝術典第二百八十五卷目錄

醫部彙考二百六十五

大小便門二

趙獻可醫貫大便不通 小便不通并不禁論

張介賓景岳全書瘕閉論證 論治 遺溺不禁論證 論治

陳士鐸石室祕錄大便燥結 小便不通

方一麻仁丸 蘇杏丸 蘇麻粥 皂角丸 疎風散 枳殼丸 二仁丸 半硫丸 六磨湯 活血潤腸

葱白湯徐長卿湯 倒換散 通關散 縮泉丸 五子丸 家韭子丸 參芪湯 雞肫散

煖腎丸 又方 琥珀散 又方 五柔丸 又方 大五柔丸 又方 蒲黃湯 又方 蒲臘湯 又方 升陽瀉濕湯 又方 芒硝丸 又方 白飛霞白製大一丸

博物彙編藝術典第二百八十六卷目錄

醫部彙考二百六十六

大小便門三

方二

王瓜散 黃連阿膠丸 通心飲 調氣散 二香丸 扶苓丸 琥珀湯 六氣丹 通關羅麥牛黃散 三仁丸 小提
牛膝湯 枳殼丸 通心飲 肉蓯蓉丸 澤瀉散 雙白丸 又方 二氣丹 阿膠飲 抽薪飲 大分膏散 鹿角霜
茸散 鹿茸散 雞腸散 雞肝丸 又方 左歸丸 六味回陽飲 五君子煎 溫胃飲 大分膏散 四維散 華化陰

單方

博物彙編藝術典第二百八十七卷目錄

醫部彙考二百六十七

大小便門四

鍼灸

導引

醫案

滯下門一

黃帝素問

至真要大論

少陽司天火淫所勝民病泄注赤白

註少陽司天寅申歲也泄注赤白熱盛也

歲少陽在泉火淫所勝民病泄注赤白腹痛溺赤甚則血便

註少陽在泉巳亥歲也熱傷血分則注赤熱傷氣分則注白熱在下焦故少腹痛而溺赤甚則血出於

小便也

厥陰之勝少腹痛注下赤白

註此風之傷人也

少陰之勝腹滿痛泄泄傳爲赤沃

註腹滿泄泄陰寒在下也傳爲赤沃君火下淫也

少陽之勝少腹痛下沃赤白

註此熱淫于下也

氣厥論

腎移熱于脾傳爲虛腸澼死不治

註太陰濕土主氣不能制水而反受濕熱相乘脾氣虛傷則不能磨運水穀而爲腸澼下利穀氣已絕

故爲不治之死證

著至教論

三陽者至陽也積并則爲驚病起疾風至如礮礮九竅皆塞陽氣滂溢乾嗌喉塞并於陰則上下無常薄

爲腸澼

^註至陽謂陽之至盛而無極有如天之疾風若礚礚之雷火驟至陽盛則爲驚也九竅爲水注之器九竅之水氣皆竭而陽氣溢于竅中夫肺腎上下交通陽獨盛而水液竭故隘乾喉塞也并於陰則使陰氣上下無常薄於陰液則爲腸澼下痢

陰陽別論

陰陽虛腸澼死

^註榮衛氣血皆水穀之所生胃爲受納之腑腸爲傳導之官陰陽兩虛又失所生之本故死

通評虛實論

帝曰腸澼便血何如岐伯曰身熱則死寒則生帝曰腸澼下白沫何如岐伯曰脉沉則生脉浮則死帝曰腸澼下膿血何如岐伯曰脉懸絕則死滑大則生帝曰腸澼之屬身不熱脈不懸絕何如曰滑大者曰生懸澼者曰死以臟期之

^註腸澼者邪僻積於腸間而爲便利也腸澼便血者陰絡之血溢也白沫乃腸外之寒汁沫膿血乃汁沫與血相搏并合而下也便血乃陰泄於內發熱爲陽脫於外本經曰陰陽虛腸澼死下白沫者陰液下注故脉沉者爲順如脉浮乃經氣下洩脉氣上浮經脈相離故爲死證懸絕者足少陰之陰液絕也滑大者足少陰之生氣盛也身不熱者陽不外脫也脈不懸絕陰不下脫也懸澼者陽明之生氣已脫故死夫胃氣絕則真臟之脈見故當以臟期之肝至懸絕十八日死心至懸絕九日死肺至懸絕十二日死腎至懸絕七日死脾至懸絕四日死懸絕者絕無陽明之胃氣而真臟孤懸也

大奇論

脾脉外鼓沉爲腸澼久自己肝脉小緩爲腸澼易治腎脉小搏沉爲腸澼下血血溫身熱者死心肝澼亦下血二臟同病者可治其脉沉小澼爲腸澼其身熱者死熱見七日死

^註脾爲陰臟位居中央受三陽陽盛之氣迫而上行則其脉外鼓搏而下沉則爲腸澼下痢然脾爲陰中之至陰難受陽熱之氣久而自己若陽熱之氣干薄藏陰致肝臟之血氣下泄而虛則其脉小緩然

用主氣。雖受陽邪。尚為易治。腎主藏精。為精血之原。陽熱之氣。入於腎。則精血受熱。傷故血溫也。身熱者。三陽盛。而三陰之氣絕也。故死。夫心主生血。肝主藏血。是以心肝二臟受陽盛之氣。而為腸澼者。亦下血。如二臟同病。則陰血盛。而可以對待陽邪。故尚為可治之證。如脈小沉滯。為陽薄所傷也。其身熱者。陽盛而陰絕也。七日死者。六臟之陰氣終矣。此係奇恆之病。三陽之氣直并於陰。陰氣受傷。是以脈小沉滯。初起之時。裏證即急。或禁口腹痛。或下重痢甚。或發驚昏沉。或噤乾喉塞。身雖熱而熱微。外證輕而裏急。當急用抑陽養陰之藥。以救援。若見身有微熱。而用表散之輕劑。因脈小沉滯。而用和調之緩方。三日之後。即成不救矣。

脈要精微論

數動一代之者。病在陽之脈也。洩及便膿血。

註陽熱在經。故脈數動。熱傷血分。故便膿血。經血下洩。故一代之也。

太陰陽明篇

食飲不節。起居不時。則陰受之。陰受之。則入五臟。入五臟。則腹滿閉塞。下為飧泄。久為腸澼。

註入五臟者。謂太陰之行氣於三陰。太陰病。則五臟之氣皆為之病矣。脾氣逆。則脹滿。太陰為開。開折。則倉廩無所輸。而為飧泄。久則為腸澼矣。

六元正紀大論

太陽司天之政。四之氣。風濕交爭。民病注下赤白。

註加臨之氣。乃厥陰風木四之主氣。乃太陰濕土。是以風濕交爭。注下赤白者。濕熱之交感也。

靈樞經

經脈篇

腎足少陰之脈。是主腎所生病者。腸澼。

註氣逆於下所為也。

扁鵲難經

滯下

大腸泄者食已窘迫大便色白腸鳴切痛

小腸泄者溲而便膿血少腹痛

大瘕泄者裏急後重數至圉而不能便莖中痛

漢張機金匱要略

滯下膿血

下利脉數而渴者今自愈設不差必圉膿血以有熱故也

下痢寸脉反浮數尺中自濇者必圉膿血

華佗中藏經

論臟腑虛實寒熱生死

病腸癖者下膿血病人脈急皮熱食不入腹脹目瞤者死或一身厥冷脈沉細而不生者亦死食如故脈沉浮有力而不絕者生

脾者土也虛則多癖喜吞酸利不已脾氣虛則大便滑小便利汗出不止五液注下爲五色注下利也

腸癖轉筋脈極數者死腸癖下白膿者死腸癖下膿血脈懸絕者死滑大者生腸癖下膿血身有寒脈絕者死

唐孫思邈千金方

熱冷疳蝕諸痢論

余立身以來三遭熱痢一經冷痢皆日夜百餘行乃至移牀就廁其困篤如此但率意自治者尋手皆愈乃知此疾天下易治但縱性之徒率情驕倨良藥苦口不能克己早餌朝遇暮過望其自瘥疾勢日增胃氣漸弱心力俱微食飲與藥皆不能進既不得愈便稱痢病難治斯皆自誤也學者須深達斯旨然此病隨宜服一物皆使得瘥惟須力意苦己服食以瘥爲限則無不愈也又大須慎口味重者後百日次者一

月日所當衰驕恣者不能自慎與言及此以為至慨矣古今痢方千萬首不可具載此中但指其要者七八而已雖然宏之在人何則陟釐丸烏梅丸松皮散等暴痢服之何有不瘥其溫脾湯建脾丸久下得之焉能不愈大凡痢有四種謂冷熱疳蠱冷則白熱則赤疳則赤白相雜無復節度多睡眼溫蠱則純痢瘕血熱則多益黃連去其乾薑冷則加以熱藥疳則以藥吹灌下部蠱毒則以蠱法治之藥既主對相當痢者復自勉勵服餌焉有不愈者也凡服止痢藥初服皆劇愚人不解即止其藥不服此特不可但使藥與病源的相主對雖劇但服不過再三服漸漸自知惟非其主對者本勿服也

凡痢病患忌生冷酢滑猪鷄魚油乳酪酥乾脯醬粉鹹所食諸食皆須大熟爛為佳亦不得傷飽此將息之大經也若將息失所聖人不救也

下利脈滑而數有宿食當下之

下利脈遲而滑者實也利為未止急下之

下利脈反滑當有所去下乃愈

下利不欲食者有宿食當下之

下利而腹痛滿為寒實當下之

下利腹中堅者當下之

下利而譏語者腹內有燥屎宜下之

下利二部皆平一作按其心下堅者急下之

下利已瘥至其年月日時復發者此為下不盡更下之愈風寒重者不可下下之後心下堅痛脈遲一作此為寒但當溫之脈沉緊下之亦然脈大浮弦下之當已下利脈浮大此為虛以強下之故設脈浮革因

而腸鳴者當溫之

下利脈遲緊為痛未欲止當溫之得冷者滿而使腸垢

下利身軀疼痛急當救裏可與理中四逆附子湯諸溫之屬

下利大孔痛者當溫暖之

下利腹脹滿身體疼痛者先溫其裏乃攻其表

下利清穀不可攻其表汗出必脹滿

下利氣者當利其小便

下利脈反弦發熱身汗者自愈

下利舌黃燥而不渴胃中熱下不止者死

下利後脈絕手足厥冷時脈還手足溫者生不還不溫者死生死之決此之謂也

凡六腑氣絕於外者手足寒上氣脚縮五臟氣絕於內者下不自禁下甚者手足不仁也細尋取之萬不

失一下病體略例如此耳

素問曰春傷於風夏爲膿血多滯下也夏傷於風秋必洞泄多下水也患是冷也夫積冷積熱及水穀實

而下者以大黃湯下之強人勿過兩劑皆消息五六日更進一劑其補澀湯不效者三兩日可進一劑

舊治冷痢貴於用建脾丸多效今治積久冷痢先以溫脾湯下訖後以建脾丸補之未有不效者

疳濕之病皆由暑月多食肥濃油膩取冷眠睡之所得禮云君子盛暑之月薄滋味無食肥濃羹飭此時

以不利人養生者宜深戒之不爾多患疳濕痢

宋楊登父直指方

痢病證治

凡泄痢無已變作白膿點滴而下爲之溫脾不愈法當溫腎蓋腎主骨髓白膿者骨髓之異名也其證面

色微黑骨力羸弱的見腎虛當用破故紙當歸木香乾薑肉桂之屬又宜以阿膠珠當歸青皮赤茯苓黃

連作劑入烏梅白蜜同煎最能蕩滌惡穢積滯既去則徧數自疎矣

痢出於積滯積物積也滯氣滯也物積欲出氣滯而不與之出故下墜裏急乍起乍出日夜凡百餘度不

論色之赤白脈之大小皆通利之以無積不成痢也

嚴用和濟生方

痢疾

今之所謂痢疾者古所謂瀉下是也之在推原其故胃者脾之腑爲水穀之海榮衛充焉大腸者肺之腑

邪得以乘間而入故爲痢疾大凡傷熱則爲赤傷冷則爲白傷風則純下清血傷濕則下如豆羹汁冷熱交并則赤白兼下或飲冷酒物恣情房室勞傷精血而成久毒痢者雖可因證辨治然常嘆世人初感此病往往用鷲粟殼石榴皮訶子肉豆蔻輩以止瀉之殊不知痢疾多因飲食停滯於腸胃所致倘不先以巴豆等劑推其積滯逐其邪穢鮮有不致精神危困久而羸弱者余每遇此證必先導滌腸胃次正根本然後辨其風冷暑濕而爲治法故傷熱而赤者清之傷冷而白者溫之傷風而純下清血者祛逐之傷濕而下如豆羹汁者分利之又如冷熱交并者則溫涼以調之傷損而成久毒痢者則化毒以保衛之夫如是藥無不應而疾無不愈者然又當觀脈之虛實如何如下利脈微小者生脈浮洪者難治腸澼頻下膿血者脈宜滑大若弦急者必死又身寒則生身熱則死苟臨病之際由此驗治萬不失一矣

金劉完素六書

滯下

下迫後重裏急窘迫急痛也火性速而能燥物也腸胃隔絕傳化失常而爲滯下

夫痢者五臟窘毒解而不散或感冷物或冒寒暑失飢不能開發又傷冷熱等食或服暖藥過極鬱化成痢古人以白痢爲寒赤痢乃熱悞也今人瘡癰初發刺開乃血多日成膿何爲先熱而後寒也

叔和云濕多成五泄腸走若雷奔愚醫不悟三口黃者乃熱青痢是寒太素曰五泄有溇泄鷲泄飧泄濡泄滑泄此乃五泄五泄者青是感肝木之象其色青赤者受心火之氣其色赤白者得西方金肺之氣其色白黃者脾土之色蒼者土氣之下水位承之其色蒼也若下利熱極頻併窘痛或久不愈諸藥不能止者須下之以開除濕熱痞閉積滯而使氣液宣行宜逐之兼宣利積熱

臟腑瀉痢其證多種大抵從風濕熱論是知寒少而熱多寒則不能久也故曰暴瀉非陽久瀉非陰論曰春宜緩形形動則肝木乃榮反靜密則是行秋令金能制木風氣內藏夏至則火盛而金去火獨居木旺而脾土損矣輕則飧泄身熱脈洪穀不能化重則下利膿血稠粘皆屬於火經曰洩而便膿血知氣行而

血止宜大黃湯下之是爲重劑黃芩芍藥湯爲之輕劑是實則瀉其子木能自虛而脾土實矣故經曰春傷於風夏必飧泄此逆四時之氣人所自爲也有自太陰脾經受濕而爲水泄虛滑微滿身重不知穀味假令春宜益黃散補之夏宜瀉之法云宜補宜和宜止假令和則芍藥湯是也止則訶子湯是也久則防變而爲膿血脾經傳腎謂之賊邪故難愈若先痢而後滑謂之微邪故易痊此皆脾土受濕天行爲也雖聖智不能逃口食味鼻食氣從鼻而入留積於脾而爲水瀉有厥陰經動下痢不止其脈沉而遲手足厥逆涕唾膿血此爲難治宜麻黃小續命汗之法曰謂有表邪縮於內當散表邪而愈有暴下無聲身冷自汗小便清利大便秘氣難布息脈微嘔吐急以重藥溫之漿水散是也故法云後重則宜下腹痛則宜和身重則除濕脈弦則去風膿血稠黏以重藥劫之身冷自汗以毒藥溫之風邪內縮宜汗之則愈爲瀉者分利爲痢當溫之又云在表者發之在裏者下之在上者湧之在下者竭之身表熱者內疎之小便澀者分利之又曰盛者和之去者送之過者止之兵法云避其來銳擊其情歸此之謂也凡病泄而惡風寒是太陰傳少陰本來剋土也用除濕白水茯苓安脾芍藥桂黃連破血也火邪不能勝水也太陰經不能傳少陰而火邪上乘肺經而痢必白膿也加黃連當歸之類又裏急後重脈大而洪實爲裏熱是有物結墜也若脈浮大甚不宜下雖裏急後重而脈沉細弱者謂寒邪在內而氣散也可溫養而自愈裏急後重閉者大腸經氣不宜通也宜加木香檳榔宣通其氣如痢或泄而嘔者胃中氣不和也上焦不和治以生薑橘皮中焦不和治以芍藥當歸茯苓下焦不和寒治以輕熱甚以重熱藥大便虛秘澀久不愈恐太陰傳少陰多傳變爲痢太陰是爲賊邪先以枳實厚朴湯以防其變若四肢懶倦小便少或不利大便走沉困飲食減宜調胃去濕白水芍藥茯苓三味水煎服以白水之甘能入胃而除脾胃之濕芍藥之酸澀除胃中之濕熱茯苓之淡泄能通水道走濕此三味泄痢須用此如發熱惡寒腹不痛加黃芩爲主如未見膿而惡寒乃太陰欲傳少陰加黃連爲主桂枝佐之如腹痛甚者加當歸倍芍藥如見血加黃連爲主桂枝當歸佐之如躁煩或先白膿後血或發熱或惡寒非黃芩不止此上部血也

如惡寒脈沉或腰痛或血痢下痛非黃連不能止此中部血也
如便膿血相雜而脈浮大慎不可以大黃下之下之必死謂氣下竭而陽無所收也凡陰陽不和惟可以

此陽也寒者脈沉而細疾身不動作目睛不了了飲食不下鼻準氣息微此陰也薑附湯主之

肢不舉木附湯主之
諸瀉痢久不止或暴下者皆太陰經病故不可離於芍藥若不受濕不能下痢故須用白朮是以聖人立法若四時下痢於芍藥白朮內春加防風夏加黃芩秋加厚朴冬加桂附然更詳外證寒熱處之如裏急後重須加大黃如身困倦須加白朮如通身自汗逆冷氣息微加桂附以溫之如或後重膿血稠黏雖在盛冬於濕藥內亦加大黃諸下痢之後小便利而腹中虛痛不可忍者此謂陰陽交錯不和之甚也當服神效越桃散

治寒積痢男子小兒婦人皆不問赤白或清利如水不後重者寒也經云澄澈清冷皆屬寒皆爲虛寒中有積宜附子巴豆之類下之見利則愈空心服

洩而便膿血者大腸泄也脈五至之上洪者宜以七宣丸如脈平者立秋至春分宜香連丸春分至立秋宜芍藥皮丸四季通用宜加減平胃散七宣丸之類後宜服此藥去其餘邪兼平胃氣

四時以胃氣爲本久下血痢則脾虛損而血不流於四肢入於胃中爲血宜滋養脾胃則愈

夫五洩之病其治法各不同者外證各異也胃泄者飲食不化多黃承氣湯下之脾泄者腹脹滿泄注食即嘔吐逆建中及理中湯大腸泄者食已窘迫大便色白腸鳴切痛乾薑及附子湯小腸泄者洩便膿血小腹痛承氣湯大瘕泄者裏急後重數至圞而不能便足少陰是也莖中痛小便不利此五泄之病也胃小腸大瘕之證皆清涼飲子主之其泄自止後厥陰少陰二證另有治法厥陰證加甘草謂主莖中痛是肝也內經曰肝苦急急食甘以緩之少陰經證多裏急後重故加大黃令急推過物去則輕矣又曰因其重而減之又曰在下者引而竭之又有太陰陽明二經證當進退大承氣湯主之太陰證不能食當先補而後瀉之乃進藥法也先煎厚朴半兩俱依本方加製水一盞半煎至一半服之若三兩服後未已爲有宿食不消又加枳實二錢同煎服三兩服泄又未已如稍加食尚有熱毒又加大黃三錢推過泄止住藥如泄未止爲腸胃有久塵垢滑黏加芒硝半合宿垢去盡則愈矣

瀉白爲寒青黃赤黑皆爲熱也蓋瀉白者肺之色由寒水甚而制火不能平金則金肺自甚故色白如濁水凝冰則自然清瑩而明白也青者肝木之色由火盛制金不能平木則肝木自甚故色青或言利色青爲寒者誤也仲景曰少陰病下利清水色純青者熱在裏也大承氣湯下之及夫小兒熱甚急驚利色多青爲熱明矣利色黃者由火盛則水必衰而脾土自旺故色黃紅爲熱者心火之色也或赤者熱深甚也至若利色黑亦言爲熱者由火熱過極則反兼水化制之故色黑也如傷寒陽明病熱極則日晡潮熱甚則不識人循衣摸牀獨語如見鬼狀法當大承氣湯下之大便不黑者易治黑者難治諸痢同法然辯痢色以明寒熱者更當審其飲食藥物之色如小兒病熱吐利霍亂其乳未及消化而痢尚白者不可便言爲寒當以脈證別之大法瀉痢小便清白不澀爲寒赤色者爲熱又完穀不化而色不變吐利腥穢澄澈清冷小便清白不澀身涼不渴脈遲細而微者寒證也穀雖不化而色變非白煩渴小便赤黃而或澀者熱證也凡穀消化者無問色及他證便爲熱也寒泄而穀消化者未之有也由寒則不能消化穀也或火主疾速而熱甚則傳化失常穀不能化而殮泄者亦有之矣仲景曰邪熱不殺穀然熱而得濕則殮泄也或言下痢白爲寒誤也若果爲寒則不能消穀何由反化爲膿也所謂下痢化穀反爲膿血如世之穀肉菓菜濕熱甚則自然腐爛潰發化爲濁水故食於腹中感人濕熱邪氣則自然潰發化爲膿血也其熱爲赤熱屬心火故也其濕爲黃濕屬脾土故也燥鬱爲白屬肺金也經曰諸氣贖鬱皆屬於肺謂燥金之化也王冰曰鬱奔迫氣之爲用金氣用之然諸瀉利皆兼於濕今反言氣燥者謂濕熱甚於腸胃之內而腸胃怫熱鬱結而又濕主乎痞以致氣液不得宣通因以成腸胃之燥使煩渴不止也假如下利赤白俗言寒熱相兼其說尤誤豈知水火陰陽寒熱者猶權衡也一高則必一下一盛則必一衰豈能寒熱俱甚於腸胃而同爲痢乎如熱生瘡瘍而出白膿者豈可以白爲寒歟由其在皮膚之分屬肺金故色白也次在血脈之分屬心火故爲血痢也在肌肉屬脾土故作黃膿在筋部屬肝木故其色帶蒼深至骨屬腎水故紫黑血出也各隨五臟之部而見五色是謂標也本則一出於熱但分淺深而已大法下迫窘痛後重裏急小便赤澀皆屬燥熱而下痢白者必多有之然則爲熱明矣或曰白痢旣爲熱病何故服辛熱之藥亦有愈者耶蓋辛熱之藥能開發腸胃鬱結使氣液宣通而濕熱燥氣和而已然病微者可愈甚者鬱結不開其病漸加辛熱之藥能開發腸胃鬱結使氣液宣通而濕熱燥氣和而已然病微者可愈甚者鬱結不

辛熱能散開通鬱結苦能燥濕寒能勝熱使氣宣平而已如錢氏香連丸之類是也故治諸痢者黃藥爲君以至苦大寒正主濕熱之病乃若世傳辛熱金石毒藥治諸吐瀉下痢或有愈者以其善開鬱結故也然雖亦有驗者或不中效反更加毒凡用大毒之藥必是善藥不能取效不得已而用之可也幸有善藥雖不能取效但有益而無損者何必用大毒之藥而謾勞熾驗也經曰甯小與其大甯善與其毒此之謂也

元張從政儒門事親

論痢

經曰少腹冤熱澁出白液冤者屈滯也病非本經爲他經冤抑而成此疾也冤一作客猶寄也遺客熱於少腹久不去從金化而爲白設若赤白痢赤者新積從心火白者舊積從肺金故赤白痢不可曲分寒熱止可分新舊而治之假如癰瘡始赤血次潰白膿又豈爲寒者哉而病者未信也此劉河間常言之皆云寒多則白以乾薑赤石脂桃花丸治痢雖愈後必生血疾如白帶下病徑以白芍藥乾薑白帶雖愈則小溲必不利治瀉痢與治帶下皆不可驟用峻熱之藥燥之若燥之則內水涸水涸則必煩渴煩渴則小溲不利小溲不利則足腫面浮漸至不治

夫腸澼下血可用調胃承氣湯加當歸瀉訖次用芍藥蘗皮丸黃連解毒湯五苓散元各停調下五七錢服之內經曰腸澼便血何如答曰澼者腸間積水也身熱則死寒則生熱爲血氣敗故死寒爲榮氣在則生七日而死者死於火之成數也

夫下利膿血腹痛不止可用調胃承氣湯加生薑棗煎更下藏用七八十九量虛實加減瀉訖次用長流水調五苓散五七錢或加燈心煎或調益元散五七錢亦可大忌油膩一切熱物則愈矣夫小腸泄者澁而便膿血小腹痛宜寒劑奪之淡劑甘劑分之

夫裏急後重數至圉而不能便先宜清劑寒劑奪之後以淡劑甘劑分之或莖中痛亦用腸澼大小便膿血宜不二九地榆散駐車丸及車前子等藥次宜淡劑甘劑分劑之類